

IORA'



UNIVERSITI
TEKNOLOGI
MARA

Perpustakaan
Tun Abdul Razak

أقل

BULETIN PERPUSTAKAAN TUN ABDUL RAZAK



uitmlibrary



libraryuitm



libraryuitm



library.uitm.edu.my



LIVE ^{HD}

Tazkirah Ramadhan :

Andainya Iru Ramadhan Terakhir

UITM Cawangan S. Alam

m/s 6

LIVE ^{HD}

Perlembagaan Persekutuan
Dan Rukun Negara
UITM Cawangan Shah Alam

m/s 7

LIVE ^{HD}

Nasib Si Penyu
Di Pantai Ganu UiTM
Cawangan Terengganu

m/s 13

Majlis Khatam Al-Quran dan
Bacaan Surah Al-Mulk UiTM
Cawangan Sarawak

m/s 26



Sesi Chat Time PTAR 2021 bersama
Penolong Rektor UiTM
Cawangan Negeri Sembilan

m/s 15

25 MEI 2021

BULETIN

Disediakan oleh : Nur Azian Azis
Nor Sabariah Mansor

PERPUSTAKAAN TUN ABDUL RAZAK
CAWANGAN SHAH ALAM

LIVE@PTAR



HALA TUJU DAN STRATEGI

GRADUAN UNDANG-UNDANG DENGAN CABARAN
BAHARU DALAM ERA PANDEMIK COVID-19

25 MEI | SELASA
2021 | 11:00 PAGI

Siaran Langsung di



PANEL
PROF. MADYA DR.
HARTINI SARIPAN
Dekan
Fakulti Undang-Undang
UiTM Shah Alam

MODERATOR
PN. NUR AZIAN AZIS
Pustakawan Kanan
PTAR Undang-Undang
UiTM Shah Alam

HALA TUJU DAN STRATEGI GRADUAN UNDANG-UNDANG DENGAN CABARAN BAHARU DALAM ERA PANDEMIK COVID-19



Untuk menonton
semula:



Perpustakaan Tun Abdul Razak (PTAR) UiTM Shah Alam telah menganjurkan sebuah program bual bicara secara langsung bertajuk "Hala Tuju Dan Strategi Graduan Undang-Undang Dengan Cabaran Baharu Dalam Era Pandemik Covid-19" di bawah segmen Bicara Pakar. Program ini telah dikendalikan oleh Puan Nur Azian Azis, Pustakawan Kanan, PTAR Undang -Undang, UiTM Shah Alam selaku moderator dan panel jemputan, Prof. Madya Dr. Hartini Saripan, Dekan Fakulti Undang-Undang, UiTM Shah Alam. Sesi perkongsian ilmu pada kali ini dimulakan dengan penerangan oleh panel jemputan mengenai impak Pandemik Covid -19 terhadap sesi pembelajaran pelajar yang memulakan semester baharu. Menurut beliau, pengajaran dan pembelajaran bagi semua program dalam berdepan dengan pandemik ini dijalankan secara dalam talian dan jarak jauh secara sepenuhnya. Ini termasuk semua aktiviti pengajaran dan pembelajaran serta penilaian (pentaksiran), aktiviti kokurikulum dan penyeliaan pelajar bersama penyelia bagi semua program akademik di peringkat Sarjana Muda dan Siswazah.

Di samping itu, beliau turut berkongsi 5 inisiatif yang telah diambil oleh pihak fakulti bagi memenuhi keperluan industri seperti penglibatan industry leaders (ahli industri yang berjaya) dalam merangka pelan tindakan dan program fakulti; penglibatan para alumni yang sangat inklusif, aktif dan lestari; penglibatan rakan industri dan rakan kerjasama sebagai panel yang menilai kurikulum yang ditawarkan oleh fakulti; komitmen pensyarah yang sentiasa menjalankan aktiviti-aktiviti sangkutan (attachment) dengan pihak industri di dalam dan luar negara, dan juga penyediaan platform dan peluang untuk menggalakkan pelajar mengadakan internship bersama industri. Pada masa yang sama, Prof. Madya Dr. Hartini Saripan berharap kerjasama yang padu semua pihak dapat diteruskan dalam menghadapi cabaran pandemik ketika ini. Semoga perkongsian pada kali ini memberi manfaat kepada masyarakat, khususnya kepada warga Fakulti Undang-Undang.